



ŠPD "UNSKO-SANSKE ŠUME" d.o.o.
Bosanska Krupa, Radnička bb

Telefon: +387 37 476-901
Fax: +387 37 476-929
Komerijala: +387 37 476-906
Fax komerc: +387 37 476-920

Identifikacioni broj: 4263074140004
Porezni broj: 11071044
E-mail: kontakt@ussume.ba
Web: www.ussume.ba

Broj: 011-3433-2/25

Bosanska Krupa, 18.11.2025. godine

Na osnovu člana 8. i člana 9. stav (1) Zakona o ministarskim, vladinim i drugim imenovanjima FBiH i člana 43. i 70. Prečišćenog teksta Statuta ŠPD „Unsko – sanske šume“ d.o.o. Bosanska Krupa, privremeni Nadzorni odbor ŠPD „Unsko – sanske šume“ d.o.o. Bosanska Krupa r a s p i s u j e

JAVNI KONKURS
za izbor i imenovanje predsjednika i članova Odbora za reviziju
ŠPD „Unsko – sanske šume“ d.o.o. Bosanska Krupa

I

(Predmet Javnog konkursa)

(1) Predmet Javnog konkursa za izbor i imenovanje predsjednika i članova Odbora za reviziju ŠPD „Unsko-sanske šume“ d.o.o. Bosanska Krupa je prikupljanje prijava kandidata za izbor i imenovanje na poziciju predsjednika i članova Odbora za reviziju Društva

(2) Odluku o konačnom imenovanju predsjednika i članova Odbora za reviziju donosi Skupština Društva po prijedlogu Nadzornog odbora Društva.

II

(Opis pozicije)

(1) Odbor za reviziju ima sljedeće nadležnosti:

- Odbor za reviziju je dužan izvršiti reviziju polugodišnjih i godišnjih obračuna i istovremeno kontrolu usklađenosti poslovanja ŠPD-a i funkcioniranje organa društva sa Zakonom o privrednim društvima, drugim relevantnim propisima i osnovnim principima korporativnog upravljanja i o tome dostaviti izvještaj Skupštini i Nadzornom odboru ŠPD-a najkasnije osam dana po okončanju revizije,
- Imenovati direktora Odjela interne revizije na osnovu javnog konkursa, za izbor tehnički najbolje kvalifikovanog kandidata ukoliko Ured za reviziju institucija u Federaciji BiH nije upoznao ŠPD sa namjerom da izvrši imenovanje u roku od 30 dana od dana kada je generalni revizor obaviješten o razriješenju lica na toj poziciji,
- Razmotriti godišnju strategiju rizika i plana revizije u kojem su prikazane pojedinosti u pogledu rizičnih područja i revizije koje će se izvršiti, te osigurati da prijavljena pitanja budu bez odlaganja i na odgovarajući način korigovana,
- Osigurati da interne kontrole u ŠPD-u budu adekvatne i da funkcioniraju kako je predviđeno,
- Podnositi Nadzornom odboru sažete mjesečne izvještaje o svojim mjesečnim sastancima,
- Vršiti i druge poslove u skladu sa zakonom i Statutom

III

(Mandat)

(1) Predsjednik i članovi Odbora za reviziju imenuju se na vrijeme od četiri godine.

(2) Predsjednik i članovi Odbora za reviziju ostvaruju pravo na naknadu za svoj rad u skladu sa posebnom Odlukom Skupštine Društva.

IV

(Uslovi za imenovanje)

(1) Kandidati za imenovanje na poziciji predsjednika i članova Odbora za reviziju moraju ispunjavati sljedeće opće uslove propisane Zakonom označene u članu 36. Statuta ŠPD-a, te posebne uvjete kako slijedi:

a) Opći uslovi:

- da je državljanin BiH,
- da je stariji od 18, a mlađi od 65 godina na dan imenovanja,
- da nije otpušten iz državne službe kao rezultat disciplinske mjere na bilo kom nivou u BiH, u periodu od tri godine prije objavljivanja Javnog konkursa,
- da se na njega ne odnosi član IX 1. Ustava BiH,
- da nije osuđivan za krivično djelo ili privredni pristup, niti se protiv njega vodi krivični postupak,
- da mu pravosnažnom presudom suda nije zabranjeno obavljanje aktivnosti za poziciju na koju aplicira,
- da nije izabrani zvaničnik, nosilac sudske ili izvršne funkcije ili savjetnik izabranim zvaničnicima i nosiocima izvršnih funkcija,
- da nije na funkciji u političkoj stranci u smislu člana 5. Zakona o ministarskim, vladinim i drugim imenovanjima Federacije BiH,
- da nije u sukobu interesa u ličnom ili profesionalnom odnosu s društvom u kom aplicira na poziciju predsjednika, odnosno člana Odbora za reviziju.

b) Posebni uslovi utvrđeni ovim Statutom:

- VII stepen složenosti zanimanja VSS, završen ekonomski, pravni ili šumarski fakultet,
- Najmanje 5 (pet) godina radnog iskustva na poslovima finansija, računovodstva, privrednog prava ili poslova u šumarstvu,

Prilikom procjene kvalifikacija i iskustva kandidata, kao posebni uslovi uzimaju se u obzir i sljedeći kriteriji:

- Stručne i iskustvene sposobnosti za razumijevanje poslovnih izvještaja i vršenje finansijskog nadzora, te poznavanje zakona i propisa na području djelovanja Odbora za reviziju,
- Prilagodljivost timskom radu i sposobnosti za savjesno i odgovorno vršenje dužnosti,
- Sposobnost odlučnog i nepristranog donošenja odluka,
- Rezultati rada ostvareni tokom predhodnog radnog angažmana i preporuka poslodavca,
- Poželjno posjedovanje sertifikata za samostalnog računovođu.

V

(Potrebna dokumentacija)

(1) Kandidati su dužni priložiti sljedeću dokumentaciju kojom dokazuju ispunjavanje općih i posebnih uslova traženih Javnim konkursom:

- prijavu na Javni konkurs za poziciju predsjednika ili člana Odbora za reviziju,
- kraća biografija,
- diploma o završenoj stručnoj spremi (nostrificirana diploma ako fakultet nije završen u BiH ili je diploma stečena u nekoj drugoj državi nastaloj raspadom bivše SFRJ nakon 06.04.1992. godine),
- potvrdu/uvjerenje o radnom iskustvu,
- uvjerenje nadležnog suda da se protiv kandidate ne vodi krivični postupak (ne starije od tri mjeseca),

- uvjerenje o državljanstvu (ne starije od šest mjeseci) ili ovjerenu kopiju lične karte izdate od nadležnog MUP-a,
- izvod iz matične knjige rođenih (ne stariji od šest mjeseci),
- izjave kandidata ovjerene kod nadležnog općinskog organa za ispunjavanje općih uslova koja će sadržavati sljedeće za tačke 3-9 (tačka IV, stav (1), pod a) Javnog konkursa),

(2) Sva dokumentacija dostavlja se u originalu ili ovjerene kopije.

VI

(Ostale napomene)

(1) Komisija za izbor predsjednika i članova Odbora za reviziju, koju imenuje Nadzorni odbor Društva, nakon zaključenja konkursa će pregledati sve zaprimljene prijave i utvrditi da li su blagovremene i potpune.

(2) Nepotpune i neblagovremene prijave neće se razmatrati.

(3) Komisija će razmotriti sve potpune i blagovremene prijave i sačiniti listu kandidata koji su ušli u uži izbor. Svi kandidati koji budu stavljeni na listu sa užim izborom će biti pozvani na intervju pred Komisijom. Prije intervjua kandidati su dužni dati podatke o ranijim neposrednim rukovodiocima od kojih se mogu dobiti preporuke i informacije o kandidatima, te popuniti obrazac u kojem će iznijeti bilo koje pitanje koje bi moglo dovesti do sukoba interesa u slučaju da dođe do njihovog imenovanja. Obrasci će se popuniti neposredno prije intervjua.

(4) Prijava kandidata sa kojim se ne stupi u kontakt u roku od 14 dana od dana isteka roka za podnošenje prijava neće biti razmotrene u daljem procesu kandidovanja.

(5) Nakon obavljenog intervjua Komisija za izbor će Nadzornom odboru ŠPD-a dati preporuku, nakon čega će Nadzorni odbor predložiti Skupštini ŠPD-a kandidate za imenovanje na pozicije predsjednika i članova Odbora za reviziju.

(6) Komisija za izbor zadržava pravo provjere svih podataka iz izjava i drugih dokumenata kandidata.

(7) Sve informacije o toku postupka kandidovanja su javne, osim ako informacije o podnosiocima prijava nisu povjerljive u smislu odredaba Zakona o zaštiti ličnih podataka BiH („Službeni glasnik BiH“, broj: 49/06, 76/11 i 89/11).

(8) Prijave na Javni konkurs sa traženom dokumentacijom dostaviti lično ili poštom preporučeno na adresu:

ŠPD „Unsko – sanske šume“ d.o.o. Bosanska Krupa
Komisija za izbor predsjednika i članova Odbora za reviziju
Ul. Radnička bb, 77240 Bosanska Krupa

Sa naznakom: „Prijava na Javni konkurs za izbor i imenovanje predsjednika i članova Odbora za reviziju“

(9) Na poleđini koverta potrebno je navesti ime i prezime podnosioca prijave, adresu i kontakt telefon.

(10) Javni konkurs će biti objavljen u „Službenim novinama Federacije BiH“, jednom dnevnom listu velikog tiraža i web stranici Društva.

(11) Rok za podnošenje prijava na Javni konkurs je 15 dana od dana posljednjeg objavljivanja.



**PREDSJEDNICA PRIVREMENOG
NADZORNOG ODBORA**

Sabina Beganović, dipl. pravnik